

Seicliosta Fostóra 3 - Ionduchtú/Seisiún Eolais

Ullmhaíodh na seicliostaí seo chun cabhrú le fostóirí, úinéirí agus bainisteoirí a ngnó a chur faoi lán seoil arís ar bhealach a chabhróidh le leathadh COVID-19 a chosc. Is gá leasú a dhéanamh ar an ionduchtú, nó an seisiún eolais faoin ionad oibre, a thugtar d'fhostaithe nua go hiondúil, ionas go n-áireofar bearta chun leathadh an víris a chosc. Caithfear na hoibrithe ar fad tabhairt faoin ionduchtú COVID-19 sin sula dtosaíonn siad ag obair arís.

Uimh.	Beart Rialaithe	✓Tá	✓Níl	Gníomh a theastaíonn
1.	An bhfuil córas i bhfeidhm agat chun coinneáil ar an eolas faoin gcomhairle is deireanaí ón Rialtas faoi COVID-19 agus chun an chomhairle sin a chur in iúl do na hoibrithe?			
2.	An bhfuil foirm COVID-19 um fhilleadh ar an obair chomhlánaithe agat do gach oibrí ag an ionduchtú? (Féach ar an teimpléad don fhoirm um Fhilleadh ar an Obair)			
3.	An bhfuil comharthaí agus siomptóim COVID-19 pléite agat leis na hoibrithe?			
4.	An bhfuil an chaoi a leatar an víreas mínithe agat do na hoibrithe?			
5.	An bhfuil na bearta rialaithe atá i bhfeidhm chun an baol go nochtfaí oibrithe do COVID-19 a laghdú a oiread agus is féidir pléite agat? (Féach ar Sheicliosta 2)			
6.	An bhfuil scaradh fisiciúil, sláinteachas maith lámh agus béasa riospráide taispeánta do na hoibrithe agat?			
7.	An bhfuil eolas tugtha agat do na hoibrithe faoi na grúpaí is mó atá i mbaol agus an bhfuil tú tar éis a iarraidh orthu a rá leat go príobháideach má bhaineann siad le haon cheann de na catagóirí sin?			
8.	An bhfuil tú tar éis a rá leis na hoibrithe go gcaithfidh siad fanacht sa bhaile má tá siad tinn nó má tá aon siomptóim COVID-19 orthu, agus an bhfuil tú tar éis a dteidlíochtaí má tá siad tinn nó más gá dóibh a bheith ar coraintín a chur in iúl dóibh?			
9.	An bhfuil tú tar éis a rá leis na hoibrithe céard ba cheart dóibh a dhéanamh agus céard ba cheart a bheith ag súil leis má thagann siomptóim COVID-19 orthu san ionad oibre, cén áit a bhfuil an limistéar leithlisithe ina measc? (Féach ar Sheicliosta 4)			
10.	An bhfuil tú tar éis cuspóir an loga teagmhála COVID-19 san ionad oibre a chur in iúl do na hoibrithe?			

Uimh.	Beart Rialaithe	✓Tá	✓Níl	Gníomh a theastaíonn
11.	An bhfuil aon athruithe ábhartha ar phlean freagartha COVID-19 do ghnó pléite agat? (Féach ar an teimpléad do Phlean Freagartha COVID-19)			
12.	An bhfuil aon nuashonruithe ábhartha (chun an baol go nochtfaí thú féin agus daoine eile do COVID-19 a laghdú a oiread agus is féidir) san áireamh anois i do mheasúnuithe riosca agus ráiteas sábháilteachta?			
13.	An bhfuil eolas faoi athruithe ar do phleananna éigeandála curtha san áireamh agat?			
14.	An bhfuil míniú tugtha agat ar aon athruithe ar nósanna imeachta garchabhrach chun an baol go nochtfaí thú féin agus daoine eile do COVID-19 a laghdú a oiread agus is féidir?			
15.	An bhfuil an tlonadaí nó na hlonadaithe Oibrithe curtha in aithne do na hoibrithe ar fad agat agus an bhfuil tú tar éis a gcuspóir a mhíniú?			
16.	An bhfuil aon uainchláir foirne nua, athrú ar amanna tosaigh/críochnaithe, sceidealú sosanna, etc., mínithe agat?			
17.	An bhfuil tú tar éis a rá leis na hoibrithe a gcuid lámh a ní sula bhfágann siad an baile agus nuair a shroicheann siad an t-ionad oibre, agus go rialta i rith an lae ? (Lgh 10–11)			
18.	An bhfuil sé mínithe do na hoibrithe chomh tábhacht is atá sé gan lámh a leagan ar a n-aghaidh?			
19.	An bhfuil sé mínithe agat go gcaithfidh oibrithe teagmháil fhisiceach le comhoibrithe, custaiméirí nó cuairteoirí a sheachaint?			
20.	An bhfuil sé mínithe agat go gcaithfear réimeas glantacháin a chur i bhfeidhm faoi dhó sa lá ar dhromchlaí a leagtar lámh orthu go minic, ar nós murláin dorais, lasca solais, citeal, meaisíní caife, tóstáer, micreathonnán, doirse cuisneora, etc.?			
21.	An bhfuil sé mínithe agat nár cheart earraí ar nós cupán, buidéal, sceanra, peann, etc., a roinnt?			
22.	An bhfuil earraí glantacháin tugtha agat do gach oibrí, ceirtíní díghalráin ina measc, agus an bhfuil tú tar éis a rá leo a spás oibre féin a ghlanadh faoi dhó sa lá?			

Uimh.	Beart Rialaithe	✓Tá	✓Níl	Gníomh a theastaíonn
23.	An bhfuil an moladh sláinte poiblí faoin uair a chaithfear clúdach aghaidhe a úsáid curtha in iúl do na hoibrithe agat?			
24.	An bhfuil tú tar éis a rá leis na hoibrithe an taisteal a bhaineann leis an obair a laghdú a oiread agus is féidir agus an bhfuil bealaí curtha ar fáil dóibh chun cruinniú a eagrú ar bhealach eile e.g. ar an bhfón/ar líne seachas duine le duine?			
25.	An bhfuil tú tar éis a rá le hoibrithe taisteal leo féin má tá a gcarranna in úsáid don obair?			
26.	An bhfuil tú tar éis a rá le hoibrithe a chaithfidh feithicil a roinnt clúdach aghaidhe a chaitheamh agus na dromchlaí a dteagmhaítear leo go minic san fheithicil a ghlanadh ag tús agus deireadh gach seala?			
27.	An bhfuil tú tar éis na hoibrithe a chur ar an eolas faoi na tacaí atá ar fáil dóibh má airíonn siad imníoch nó faoi bhrú?			
28.	An bhfuil míniú tugtha agat ar an mbealach ceart le haon PPE a theastaíonn a fheistiú, a úsáid, a bhaint, a ghlanadh, a stóráil agus a dhiúscairt?			
29.	An bhfuil córas i bhfeidhm a chuireann ar chumas na n-oibrithe ceisteanna nó ábhar imní a tharraingt anuas agus a fheagraíonn dóibh?			
	Eolas Breise			

Ainm: _____

Síniú: _____

Dáta: _____

Is chun críche oideachais amháin an t-eolas atá sa treoir seo, agus níl sé cuimsitheach. Níl sé ceaptha comhairle dlí a chur ort, agus níor cheart duit brath ar an eolas mar chomhairle dá leithéid. Ní thugaimid aon bharánta sainráite ná intuigthe i leith chruinneas nó iomláine an eolais. Ní bheidh an tÚdarás Sláinte agus Sábháilteachta faoi dhliteanas ar aon bhealach ná go feadh méid ar bith i leith aon damáistí, caillteanais ná costais dhíreacha, indíreacha, speisialta, theagmhasacha nó iarmhartacha a eascraíonn as úsáid an tseicliosta seo.